

2933

宋六十名家詞

冊七

卷六十一 雜著

七

題坦庵詞

詞古詩流也吟詠情性莫工於詞臨淄六一當代文伯其樂府猶有憐景泥情之偏豈情之所鍾不能自已於言耶坦庵先生金閨之彥性天夷曠吐而爲文如泉出不擇地連收兩科如俯拾芥詞章迺其餘事人見其摸寫風景體狀物態俱極精巧初不知得之之易以至得趣忘憂樂天知命茲又情性之自然也因爲編次俾鈇諸木觀者當自識其胸次云門人尹覺先之序

羅漢山志

之具人至得順之憂樂天以命之又青生之目
 人用其美焉則景體惟心然具而青生之目
 成象出不繫於事外而得於心合而青生之
 目成象順之而事亦主全順之達生天其體
 節其樂以配百教景狀而文以配百教之
 結古詩於出冬結前出莫工生同前結一

坦庵詞

目錄

萬年歡一調

水調歌頭八調

滿江紅五調

沁園春二調

酬江月七調

促拍滿路花二調

永遇樂三調

風入松一調

鳳凰閣一調

蝶戀花八調

鷓鴣天七調

柳梢青十調

浣溪沙六調

菩薩蠻十三調

好事近二調

醉蓬萊一調

漢宮春一調

廳前柳二調

訴衷情四調

一翦梅二調

朝中措六調

點絳脣三調

撲蝴蝶一調

醉桃源三調

賀聖朝一調

踏莎行二調

憶秦娥一調

武陵春二調

清平樂三調

鵲橋仙四調

謁金門七調

東坡引三調

生查子五調

少年遊二調

小重山一調

霜天曉角二調

江南好一調

關河令二調

採桑子二調

浪淘沙三調

雙頭蓮令一調

畫堂春一調

南柯子一調

西江月二調

洞仙歌一調

南鄉子一調

行香子一調

卜算子五調

伊洲三臺一調

坦庵詞目錄

坦庵詞

宋 趙師使

萬年歡

電繞神樞華渚流虹誕彌良用佳辰萬寓謳歌歸舞
寶曆增新四十七年閒盛事皇威暢邊鄙無塵仁恩被
華夏咸安太平極洽懽聲重華道隆德茂亘古今
希有揖遜重聞聖子三宮歡聚兩世慈親幸際千秋
聖日霑鑄宴普率惟均封人祝億萬斯年壽皇尊並
高真

水調歌頭

龍帥宴王公明

金鼎調元手玉殿渙恩華宣威蜀道曾見千騎擁高
牙憑仗元樞籌略寬我宸旒西顧惠澤被幽遐爲憶
江城好南浦蟻仙槎格天心膺帝眷極褒嘉琳宮
香火緣在還近玉皇家霖雨久思賢佐看卽聲傳丹
禁喚仗聽宣麻袞繡公歸去宰路築堤沙

又春野亭送別

江亭送行客腸斷木蘭舟水高風快滿目煙樹織成
愁咿軋數聲柔櫓拍塞一懷離恨指顧隔汀洲獨立
滄茫外欲去強遲留海山長雲水闊思難收小亭
深院歌笑不忍記同游唯有當時明月千里有情還

共後會尚悠悠此恨無重數和淚付東流

珍做宋版印

又癸卯信豐送春

韶華能幾許節物歎推移羣花競芳爭豔無奈隙駒
馳紅紫隨風何處唯有搏枝新綠暗逐雨催肥喬木
鶯初轉深院燕交飛漸清和微扇暑日遲遲新荷
泛水搖漾萍藻弄晴漪百歲光陰難挽一笑歡娛易
失莫惜酒盈卮無計留連住還是送春歸

又萬載煙雨觀

江流清淺外山色有無中平田坡岸迴曲一目望難
窮波面輕鷗容與沙際野航橫渡不信畫圖工路入
神仙宅翠鎖梵王宮俯晴郊增勝概氣橫空雲林
城市層列知有幾重重更上危亭高處從倚闌干虛
敞象緯逼璇穹要盡無邊景煙雨看空濛

又戊申春陵用舊韻賦二詞呈族守德遠

人生如寄耳世態逐時移浮名薄利能幾方寸漫交
馳麤足生涯隨分到眼風光可樂終不羨輕肥有志
但長嘆無路且卑飛恨年華何去速又來遲綠陰
濃映池沼穀浪皺風漪轉午鶯聲曉院滾地楊花飄
蕩愛景惜芳卮此意誰能解一笑任春歸

又

心景兩無著情物豈能移超然遠覽失笑名利苦紛
馳一品官資榮顯百萬金珠豪富空自喜家肥會得
個中理川湧與雲飛靜中樂閒中趣自舒遲心如
止水無風無自更生漪已是都忘人我一任吾身醒
醉有酒引連卮萬法無差別融解卽同歸

又和石林韻

世態萬紛變人事一何忙胸中素韜奇蘊匣劍豈能
藏不向燕然紀績便與漁樵爭席擺脫是非鄉要地
時難得閒處日偏長志橫秋謀奪衆漫軒昂蠅頭
蝸角微利爭較一毫芒幸有喬林脩竹隨分粗衣糲
食何必計冠裳我已樂蕭散誰與共平章

又丁巳長沙壽王樞使

台星明翼軫和氣滿瀟湘長懷勝處地靈應產股肱
良共仰三朝元老要識一時英傑人物自堂堂直氣
薄霄漢德望聳巖廊擁貔貅森棨戟鎮藩方折衝
尊俎春融花柳侑壺觴兩世麟符玉節九郡恩風惠
雨仁者壽宜長鳳詔來丹闕繡袞覲明光

滿江紅甲午豫章和李思永

渺渺春江迷望眼蒲萄漲綠春過也蕭疎庭戶寂寥
心目念遠不禁啼鴉鬧愁多易遣脩蛾蹙向小窗時

把綵牋看翻新曲 晴晝永便新浴相思淚不成哭
空無言憔悴暗銷肌玉目斷碧雲無信息試憑青翼
飛南北聽掀簾疑是故人來風敲竹

又辛丑赴信豐舟行贛石中

煙浪連天寒尚峭空濛細雨春去也紅銷芳徑綠肥
江樹山色雲籠迷遠近灘聲水滿忘艱阻挂片帆掠
岸晚風輕停煙渚 浮世事皆如許名利役驚時序
歎清明寒食小舟爲旅露宿風餐安所賦石泉榴火
知何處動歸心猶賴翠煙中無杜宇

又壬子秋社莆中賦桃花

露冷天高秋氣爽千林葉落驚初見小桃枝上盛開
紅萼淺淡胭脂經雨洗翦裁碼碯如雲薄問素商何
事鬪春工施丹臆 芙蓉苑顏如灼曾暗與花王約
要乘秋名字並傳京維回首瑤池高宴處桂花香裏
驂高鵲但莫教容易逐西風輕飄卻

又丙辰中秋定王臺卽席餞富次律

涼入三湘秋氣爽江澄沙白人欲去離愁黯黯莫留
行色盍在中朝陪鵷鷺暫來南楚分風月與元樞鶚
薦共扶搖朝天闕 皇華使和戎策西府贊中興業
有緇衣同美武公勛烈檣燕已知添別意驪駒誰爲

歌新闕恨此情如月過中秋圓還缺

又丁巳和濟時几宜送春

去去春光留不住情懷索寞那堪是日長人困雨餘
寒薄葉底青青梅勝豆枝頭顆顆花留萼歎流年空
有惜春心憑春酌歌共酒誰耐酢非與是忘今昨
且隨時隨分強歡尋樂世事燕鴻南北去人生烏兔
東西落問故園不負送春期明年約

沁園春和伍子嚴避暑二首

雨接梅霖風祛槐暑麥天已秋正榴燃紅炬枝頭色
豔荷翻綠蓋池面香浮心景俱清身名何有且向忙
中早轉頭塵勞事枉朝思夕計細慮深謀悠悠不
復徵求但安分隨緣休便休縱官居極品徒爲美玩
家稱鉅富未免閑愁遇酒開顏逢歡樂意有似木人
騎土牛從他笑看一朝解悟入極遨遊

又

羊角飄塵金烏爍石雨涼念秋有虛堂臨水披襟散
髮紗幘霧捲湘簾波浮遠列雲峯近參荷氣臥看文
書琴枕頭蟬聲寂向莊周夢裏栩栩無謀茶甌醒
困堪求麤飽飯安居可以休算脩閒靜勝吾能自樂
榮華紛擾人漫多愁習嬾非癡覺迷是病一力那能

勝九牛但休問且追尋觴詠知友從游

酬江月題趙文炳枕屏

枕山平遠記當年小閣牙牀曾展圍幅高深春晝永
寂寂重簾不捲櫂艤西湖人歸南陌酒暈紅生臉困
來無那玉肌小倚嬌軟堪恨身在天涯曲屏環枕
此意何由見想像高唐無夢到獨擁閒衾展轉物是
人非山長水闊觸處思量偏愁遮不斷夜闌依舊斜
掩

又丙午螺川

飄流踪跡趁春來還趁春光歸去九十韶華能幾許
著意留他不住攢柳催花摧紅長翠多少風和雨蜂
閒蝶怨盡憑枝上鶯語歸櫂去去難留桃花浪暖
綠漲迷津浦回首重城天漾遠人在重城深處惜別
愁分凝暗有淚總寄陽關句不堪腸斷恨隨江水東
注

又乙未白蓮待廷對

斜風疎雨正無聊情緒天涯寒食煙重雲嬌春爛熳
卻得輕寒邀勒柳褪鵝黃池添鴨綠桃杏渾狼藉亂
山深處尚留些子春色海燕未便歸來踏青鬪草
誰與同尋覓杜宇多情芳樹裏只管聲聲歷歷似勸

行人不如及早作箇歸消息休教腸斷夢魂空費思
憶

又乙未中元自柳州過白蓮

曉風清暑映湖光如練山光如染十里荷花香滿路
飛蓋斜欹妝面一葉扁舟數聲柔櫓陡覺紅塵遠六
橋三塔恍然圖畫中見因念當日三賢兩山佳處
應也經行徧琢月吟風無限句景物隨人俱顯賀監
風流玄真清致我亦情非淺漁蓑投老利名何用深
羨

又信豐賦茉莉

化工何意向天涯海嶠有花清絕縞袂綠裳無俗韻
不畏炎荒煩熱玉骨無塵冰姿有豔雅淡天然別真
香冶態未饒紅紫春色底事落江南水仙兄弟
端自難優劣瘴雨蠻煙魂夢遠寧識溪橋霜雪蘼蘭
同芳素馨爲伴百和清芬蕪淒然風露夜涼香泛明
月

又萬載龍江眼界

平生奇觀愛登高臨遠尋幽選勝欲上層巔窮望眼
一半崎嶇危徑萬瓦鱗鱗四山簇簇咫尺疎林映山
川城郭恍然多少清興殘照斜斂餘紅橫陳平遠

一抹輕煙暝何處飛來雙白鷺點破遙空澄瑩鶴嶺雲平龍江波渺不羨瀟湘詠襟懷舒曠曲闌倚了還凭

又足樂園牡丹

韶華婉婉正和風遲日暄妍清晝紫燕黃鸝爭巧語催老芬芳花柳灼灼花王盈盈嬌豔獨殿春光後鷓鴣翎初拆露霑香沁珠溜遙想京洛風流姚黃魏紫間綠如鋪繡小蓋低回雕檻曲車馬紛馳園囿天雨曼珠玉槃金束占得聲名久留連朝暮賞心不厭芳酒

促拍滿路花信豐黃師尹跳珠亭

栽花春爛熳疊石翠巘吼小亭相對倚數峯寒主人尋勝接竹引清泉鑿破蒼苔地一掬泓澄六花疑是深淵山前六花小池向閒中百慮脩然情事寄鳴絃爐香陪茗椀可忘言噴珠濺雪歷歷聽潺湲塵世知何計不老朱顏靜看日月跳丸

又瑞蔭亭贈錦屏苗道人

連枝蟠古木瑞蔭映晴空桃江江上景古今同忙中取靜心地儘從容掃盡荆榛蔽結屋誅茆道人一段家風任鳥飛兔走匆匆世事亦何窮官閒民不擾

更年豐簞瓢雲水時與話西東真樂誰能識兀坐忘
言浩然天地之中

永遇樂重明節

金昊行秋季商回律天氣佳處瑞應皇家祥開聖日
寶曆綿基祚瑤池人祝鈞天樂奏湛露宴均寰宇萬
花覆千官盡醉盛事頓超今古中興天統四三傳
序揖遜自歸明主黃屋非心蘿圖有永還付當今主
希夷高蹈壽康長保五世祖孫懽聚尊之至千秋令
節萬年聖父

又甲午走筆和岳大用梅詞韻

秋滿衡臯淡雲籠月晚來風勁一抹殘霞數聲過雁
還是黃昏近憑高臨遠倚樓凝睇多少斷愁幽興聽
漁村鳴榔隱隱別浦暮煙收暝湘妃起舞芳蘭紉
佩約略亂峯雲鬢景物悲涼楚天澄淡過盡歸颿影
斜陽低處遠山重疊蕭樹亂鴉成陣空無言闌干凭
暖悶懷似困

又爲盧顯文家金林檎賦

日麗風暄暗催春去春尚留戀香褪花梢苔侵柳徑
密幄清陰展海棠零亂梨花淡峙初聽鬧空鶯燕有
輕盈妍姿靚態緩步闌風仙苑綠叢紅萼芳鮮柔

媚約略試妝深淺細葉來禽長梢戲蝶簇簇枝頭見
駝顏鬢髮春愁無力困倚畫屏嬌軟只應怕風欺雨
橫落紅萬點

風入松 戊申松楸衡永舟泛瀟湘

溪山佳處是湘中今古言同平林遠岫渾如畫更漁
村返照斜紅兩岸荻風策策一江秋水溶溶 蒼崖
石壁景尤雄人自西東利名汨沒黃塵裏又那知清
勝無窮何日輕舸蓑笠持竿獨釣西風

鳳凰閣 己酉歸舟衡陽作

正薰風初扇梅黃暑溽並搖雙槳去程速那更黃流
浩淼白浪如屋動歸思離愁萬斛 平生奇觀頗快
江山寓目日斜雲定晚風熟白鷺飛來點破一川明
綠展十幅瀟湘畫軸

蝶戀花 戊戌和鄧南秀

柳眼窺春春漸吐又是東風搖曳黃金樹宜入新春
聞好語一犁處處催耕雨 未有花鬢金縷縷醉夢
悠颺似蝶翩躚舞一枕仙遊何處去覺來依舊江南
住

又 己亥同常監游洪陽洞題肯堂壁

春到園林能幾許昨夜疎疎過卻催花雨暖日晴嵐

原上路雕鞍暫繫芳菲樹
仙洞同遊皆勝侶翻憶
年時醉裏曾尋句要與龍江春作主翩然又趁東風
去

又癸卯信豐賦芙蓉

翦翦西風催碧樹亂菊殘荷節物驚秋暮綠葉紅苞
迎曉露錦屏繡幄圍芳圃塵世鸞驂那肯駐尚憶
層城仙苑飛瓊侶能共牡丹爭幾許惜花對景聊爲
主

又道中有簪二色菊花

百疊霜羅香蕊細嫋嫋垂鈴綴簇黃金碎獨占九秋
風露裏芳心不與羣花比采采東籬今古意秀色
堪餐更惹蘭膏膩不用南山橫紫翠悠然消得因花
醉

又臨安道中賦梅

翦水凌虛飛雪片認得清香雪樹深深見傳粉凝酥
明玉豔含章簷下春風面照影溪橋情不淺羌管
聲中疊恨傳幽怨隴首人歸芳信斷萬重雲水江南
遠

又戊申秋夜

夜雨鳴簷聲索簌薄酒澆愁不那更籌促感舊傷今